

num nomen dedit, à Sunga vero familia mutato nomine Ingcheu, & à T'anga Vu-

cing, & à Taiminga restituto nomine Vuchang dicta est. in hac metropoli templum vero Deo dicatum habuit Societas nostra, quod modo ob personarum defectum sine ferdote est.

Montes. Ad Urbis Notapeliotem mons est Ta-
quon, cuius lapides ac gleba aureo colore
micant, collibus & vallibus amoenus est:
prope civitatem Vuchang mons est ejusdem
nominis, in quo olim apparuisse dicitur vir
toto hirtus corpore, decem altus cubitos, id-
que sub Cina familia: circa Kiayu in ripa
Kiang fluminis est mons Chepie, à magna
clade, quam Çaoçao à Cheuyvo accepit,
memorabilis: prope Kungyang mons est
ingens Lungciven, ducentorum plus minus
stadiorum, in eoque ingens caverna. Hin-
que civitas montem habet Chung, in quo
lacus nigerrima aqua, atramento simili, visi-
tur. Kieuquon mons, hoc est novem palati-
orum, ita dictus quod Cyngan Regis filii
novem sibi in eo exstruxerant palatia, in qui-
bus litteris operam darent.

Flumina. Xun lacus duplex prope Kiayu unus, al-
ter prope Puki.

Han rivus ex montibus Vuchang fluit,
cujus aqua solito frigidior aërem ibi, etiam
in canicularibus temperat; atque ideo reges
supra rivum palatium exstruxere, quod aestatis
tempore, ad vitandos nimios calores, in-
habitare solebant.

Lo amnis fluit per medium urbem.

Lu insula est prope Vuchang civitatem,
in Kiang fluvio.

Prope montem Chepie insula est Sanhoa,
Taye vicina, in qua Cheuyus obtenta à
Çaoçao victoria, convivia militibus insti-
tuit, mensis omnibus floribus ornatis, in-
de Sanhoa nomen, quod spargere flores si-
gnificat.

Ex montibus Taye aqua decidit, ad alti-
tudinem fere perticarum quadringtonitarum.

Secunda Urbs

H A N Y A N G.

situs. Intra moenia lacus habet Han-
yang urbs, totaque navigabilis existit,
sed & flumina nayium patientia totum
tractum perlungunt: ac tametsi duas tantum-
modo contineat civitates, ea est illius ferti-
litas, ut multis ditionibus nihil debeat, quippe
Han fluvio vicina est, eo loco ubi in Ki-

ang fluvium se exonerat. magna gaudet re-
rum advectorum copia, & advehendarum
commoditate: capitur hic magna multitu-
do anserum sylvestrium, omnia reperiuntur
malorum citreorum & aureorum genera:
multa sunt ædificia rara ac splendida, turrif-
que altissima, Xeleuhoa dicta, ad urbis Bar-
rolybicu, quæ sua præstantia facile cætera
omnia superat. Hujus construendæ causam
hanc narrant fuisse historiam: Erat nurus
quædam maximæ erga socrum observan-
tiæ, hæc cum præparatam opipare gallinam,
qua socrum exciperet, aliquando obtulisset,
illa vix ea comesta statim mortua concidit;
ad tribunal altera quasi propinasset vene-
num abducitur, accusatur, occiditur, cum
ad mortem duceretur forte fortuna arbo-
rem pomorum granatorum transit, ibi ap-
prehenso ramo ita orasse fertur: Si ego so-
crui venenum obtuli, moriatur flos hujus
rami; sin autem à me stat innocentia, quam
primum fructus proferat. vix hæc absolve-
rat, cum ecce tibi, dictu mirum! ramus po-
mis granatis onustus apparuit; in hujus rei
memoriam communibus impensis turrim
ædificarunt cives, quæ hac de causa Xeleu-
hoa dicta est, quod granatorum florem si-
gnificat. Binæ quæ ab ea reguntur civitates
sunt: 1 Hanyang, 2 Hanchuen. Utrique
ab Han fluvio nomen obtigit.

Nullus fere memoratu dignus mons oc-
currit, præter eum, quem Kieuchin vocant,
hoc est, novem virginum: namque in eo so-
rores novem virginitatem perpetuam ser-
vasse, & Alchimiæ deditas fuisse scribunt,
credemusne has fuisse Sinarum Musas?
mons ipse est ad urbis Notolybicu.

Intra moenia lacus est Langquon; & ad *Flumina.*
urbis occasum lacus Taipe, ad Australes ra-
dices montis Kieuchin, qui ducentorum sta-
diorum lacus est.

Tertia Urbs

S I A N G Y A N G.

Qualitas & situs. Sangyang urbs etiam Han fluvio vicina
ad occidentalem ejus ripam jacet, tam-
etsi non adeo planam, sed montibus
asperiorem regionem natæ sit, nobilis ta-
men est, ac dives; tum ob regis præsentiam,
quem habuit ex Taiminga familia; tum ob
magnam auri vim, quæ per hunc tractum
colligitur, ex lotis & à rei peritis percolatis
arenulis; licet enim fodinas aperire prohibi-
tum sit, omnibus tamen aurum ex flumini-
bus